

Und diese P. M. war das Wasser/ darauff der Geist Gottes geschwe-
bet hat. In dieser Matrice, darinn die Welt erschaffen ist/seynd beyssammen
vermischer gewesen die TRIA ANIMATA quatuor elementorum, Pu-
rum & Impurum, Tag vnd Nacht/Licht vnd Finsternuß. Inn vnd auß
dieser Matrice, welche mit dem Reich Gottes vmbgeben ward/ sind Himmel
vnd Erden/Lufft vnd Wasser/allein durch das Wörtlein FIAT erschaffen/
vnd durch den Geist Gottes/ so vff der Matrice geschwebet/in 6. Tagen alle
Ding mit fester/weifester Ordnung in sein letztes Wesen geschieden/vnd ge-
separirt/Licht vnd Finsternuß von einander. Also die aller kläreste Substan-
tia, so in den ersten TRIBVS PRINCIPIIS, MERCVRIO, SVLPHV-
RE, SALE gewesen/zum Element POLI gesandt/vnd Firmamentum ge-
nennet/ das ist/ die Feste/ weil es das Faß seyn solte / welches die andere drey
Element tragen solte. Dann vom Wort/ vnd mit dem Wort/ kompt die
Eygenschafft des Worts / gleich wie er sagt zu Petro/ Tu es Petrus, &c. Da
kame die Eygenschafft mit dem Wort/das auch der Hellen Pforten ihn vnd
sein Gebäu nit vberwinden können. Also auch mit dem Wörtlein Firma-
mentum, kame die Eygenschafft / das vber allen begreifflichen Verstand/
der Himmel/ welcher ein dünner leichter CHAOS gleich einem Rauch / die
andere schwerere corpora elementorum tragen/vnd beyssamen fest vnd vn-
verruckt halten muste. Das gröbste aber in der prima materia, so vor den
tribus principiis primis gewesen/ ist hernacher in das elementum terræ ge-
schieden worden. Also auch vom Lufft vnd Wasser zu verstehen/was inn der
P. M. zu demselben bequem gewesen/ in dasselbe ist sie geschieden worden. Al-
so sind am ersten nur die corpora elementorum, als mit der Feuchte/ dar-
von sich der Mensch ernehren solte / beschaffen: Hernacher sind diese corpo-
ra elementorum weiter gescheiden vnd separirt. Also ist auß dem allerkläre-
sten Weser elementu POLI herfür gebracht die Sonn/darnach der Mond/
vnd alle andere Sternen/ gleich als Baum vnd Frucht des Himmels / dar-
von sich der Mensch nehren solte. Also ist auch die Erden erstlich ein gleiches
temperirtes Wesen ohne Frucht gewesen: Aber hernach gesondert/ also das
vielerley Gewächß dem Menschen zur Nahrung herfür können seyn. Also
auch von den andern zweyen Elementen zu verstehen: Vnd Gott gab einem
jeden Gewächß seinen eygenen Samen/ vnd natürliche löbliche Fruchtbar-
keit/das ist/alle Corpora der Elementen sind erstlich leblos erschaffen: Aber
durch den Geist Gottes ist ihnen die Natur / das ist / der lebliche vn sichtbare
Geist/oder Q. essentia, welche die corpora elementorum erhalten/vnd vber
sie herrschen solte/ingegossen worden.

Da nun alle Ding wol separirt/ vnd in Ewigkeit zu stehen/erschaffen/hat
Gott